

Alkitab Sagan Kakanakan
Mengenal akan

Yesus
Mananangkan
Badai



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Yesus lawan
murid-murid-Nya
ada dalam sabuah
jukung pas badai
ganal datang.
Badai kaya ngini
bisa maulah
kacalakaan lawan
tinggalam.



Badai ngintu manakutkan hagan buhan murid.
Galumbang manutupi jukung ngintu, mahibakinya
lawan banyu.



Tapi kayanya Yesus guring lawan tanang,
Yesus guring ditangah badai. Murid-murid-Nya
mambangunakan Yesus, buhannya manangis, "Guru,
Guru, kita
binasa!"




"Kanapa ikam takutan, ikam kurang parcaya?" Yesus batakun ka murid-murid-Nya. Imbah tu Yesus manyariki angin hagan ampih batiup ... Lawan ... Yesus mamarintah badai supaya tanang imbahnya tananglah badai.



LAWAN ANGIN AMPIH BATIUP ... LAWAN
DANAU NGINTU JADI TADUH BANAR.

Murid-murid ngintu hiran, ujarnya, "Urang napakah
Inya ngini, sampai angin lawan danau patuh lawan
Inya?"





Lawan kuasa Tuhan, Yesus mambari makan urang banyak ngintu lawan mamakai makan siang saurang anak lakian halus. Wahini sudah malam.

Yesus manyuruh urang-urang ngintu bulik.



Tamasuk murid-murid buhannya jua tulak. Yesus manyuruh buhannya naik kadalam jukung lawan tulak ka subarang Danau Galilea.





Imbah Inya
manyuruh urang
banyak ngintu
bulik, Yesus naik
ka atas bukit
hagan badua
saurangan. Pas
malam datang,
Inya saurangan
di situ.





Di tengah-tengah laut,
murid-murid takurung
dalam badai. Badai
ngintu mamandaki
buhannya hagan
manyubarangi
danau, biar
buhannya
sudah
balayar
salawas
ampat jam.



murid-murid
ngintu kada tahu,
tapi buhannya di
sana hagan
kajutan ganal.





Di sabuting wadah
antara jam talu
lawan jam anam
subuh, ditangah-
tengah laut
diumbang-ambingi
angin, murid-murid
ngintu malihat
sasuatunang maulah
buhannya takutan.
“Ngintu hantu”
buhannya baucap.





Tapi ngintu
adalah Yesus,
Tuhan lawan
Guru buhannya,
datang ka arah
buhannya,
**BAJALAN DI
ATAS BANYU.**



"Tananglah!" Yesus mangiau buhannya, "Ini Aku, jangan takutan!" Petrus manjawab, "Tuhan, bila ngintu Ikam, suruh aku datang ka Ikam bajalan di atas banyu." Ujar Yesus, "Datanglah." Lawan wani, Petrus turun matan jukung lawan bajalan ka arah Yesus.





Tapi pas inya
malihat angin
batiup, Petrus
marasa takutan,
lawan mulai
tinggalam. Inya
mangiau, "Tuhan,
tulunglah aku!"



Lakas, Yesus mangulurakan tangan-Nya lawan mamingkut Petrus. "Uy urang nang kada parcaya, kanapa ikam bimbang?" Inya batakun. Pas Petrus lawan Tuhan Yesus masuk ka dalam jukung, taduhlah angin.



Lawan urang-urang nang ada
di jukung manyambah Inya,
ujarnya: "Sasungguhnya
Ikam Anak Allah."



Yesus Mananangkan Badai

Sabuting kisah matan Firman Tuhan, Alkitab

Taulih dalam

Matius 8 lawan 14; Markus 4;
Lukas 8

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

